



TRIJATLON I PENTATLON SAVEZ BOSNE I HERCEGOVINE
ТРИАТЛОН И ПЕНТАТЛОН САВЕЗ БОСНЕ И ХЕРЦЕГОВИНЕ
TRIATHLON AND PENTATHLON FEDERATION OF BOSNIA AND HERZEGOVINA

Na osnovu člana 23. Zakona o sportu u BiH i Statuta Triatlon i pentatlon saveza Bosne i Hercegovine (u daljem tekstu Statut TPSBiH) Upravni Odbor Triatlon i pentatlon saveza BiH na sjednici održanoj 8.12.2022. godine, donosi:

OPŠTI PRAVILNIK O LICENCIRANJU
Triatlon i pentatlon saveza Bosne i Hercegovine

OPŠTE ODREDBE

Član 1.

Ovim se Pravilnikom određuju načini, uslovi i procedure postupka licenciranja klubova, takmičara, trenera, sudaca, tehničkih delegata i predstavnika kluba u tekućoj godini, te prava i obaveze koje iz toga proizlaze.

Član 2.

Opći pravilnik o licenciranju uključuje: Pravilnik o licenciranju klubova, Pravilnik o licenciranju takmičara, Pravilnik za obavljanje stručnih poslova u triatlonu i licenciranju trenera (zasebni dokument), Pravilnik o sudačko-tehničkoj organizaciji i licenciranju sudija (zasebni dokument).

Sastavni dio, odnosno posebna dopuna ovog pravilnika je Uputstvo za licenciranje koje UO donosi za tekuću godinu, a kojim se definišu tehnički postupci, posebni rokovi i iznosi naknada vezanih uz licenciranje u tekućoj godini.

Član 3.

Izmjene i dopune ovog pravilnika i ostalih zasebnih dokumenata vezanih uz Pravilnik o licenciranju donosi Upravni odbor TPS BiH.

LICENCIRANJE KLUBOVA

Član 4.

Klubovi stječu pravo sudjelovanja na natjecanjima i u ostalim aktivnostima Saveza na osnovu registracije odnosno primanja u članstvo TPSBiH i ispunjavanjem obaveza koje iz toga slijede, a koje su propisane Statutom TPSBiH.

Član 5.

Na osnovu Statuta TPSBiH, iznosi godišnjih članarina za klubove određuju se odlukom UO TPSBiH i sastavni su dio Uputstva za licenciranje za tekuću godinu.



Marka Marulića 2/5, 71000 Sarajevo, Bosnia and Herzegovina

email: tpsbi@gmail.com web: <https://tpsbi.ba/>

 [@tpsbi](https://www.instagram.com/tpsbi)  <https://www.facebook.com/tpsbi>  <https://www.linkedin.com/company/tpsbi/>





TRIJATLON I PENTATLON SAVEZ BOSNE I HERCEGOVINE
ТРИАТЛОН И ПЕНТАТЛОН САВЕЗ БОСНЕ И ХЕРЦЕГОВИНЕ
TRIATHLON AND PENTATHLON FEDERATION OF BOSNIA AND HERZEGOVINA

Član 6.

Novoosnovani klub koji je uputio službeni zahtjev za ućlanjenjem u TPSBiH, preko entitetskih saveza, sa potpunom dokumentacijom u skladu sa Statutom TPSBiH i odlukom o primanju u ćlanstvo ima pravo sudjelovanja u sistemu takmićenja i aktivnosti TPSBiH prema važećim pravilnicima.

Ukoliko ćlanica saveza ne izvršava financijske i druge obaveze prema TPSBiH (niti nakon pisane opomene od strane TPSBiH.), UO TPSBiH može je privremeno suspendovati iz ćlanstva TPSBiH i ista ne može ostvarivati prava predviđena Statutom TPSBiH i ostalim važećim dokumentima do ispunjenja obaveza.

LICENCIRANJE TAKMIČARA

Član 7.

Takmićarska licenca je osnovna isprava kojom takmićar ili takmićarka dokazuju pripadnost klubu i na osnovu koje imaju pravo nastupa na utrkama u nadležnosti TPSBiH.

Član 8.

Licenca se izdaje na rok od godine dana, a vrijedi od datuma predaje valjanog zahtjeva do 31.12. takmićarske godine i važeća je uz obavljen lijećnićki pregled u skladu sa ćlanom 47. i 48. Zakona o sportu u BiH.

Jednodnevne licence, ako postoje, izdaju se za pojedinaćno takmićenje prema uslovima propisanim u Uputstvu za licenciranje i važeće su uz obavljen lijećnićki pregled u skladu sa ćlanom 47. i 48. Zakona o sportu u BiH.

Član 9.

Iznosi godišnjih licenci za takmićare i takmićarke određuju se odlukom UO TPSBiH i sastavni su dio Uputa za licenciranje za tekuću godinu.

Član 10.

Klubovi su odgovorni za zdravstveno stanje takmićara i njihovo osiguranje. Službena prijava takmićara za izdavanje licence je ujedno i garancija matićnog kluba da su takmićari i takmićarke obavili lijećnićke preglede, te da su takmićari osigurani od nezgode.

Član 11.

Klubovi su dužni na zahtjev Saveza i ostalih nadređenih institucija dati na uvid dokumentaciju/potvrdu o obavljenom lijećnićkom pregledu u za to nadležnoj instituciji i policama osiguranja za svakog pojedinog takmićara i/ ili klub.

Član 12.



Marka Marulića 2/5, 71000 Sarajevo, Bosnia and Herzegovina

email: tpsbi@gmail.com web: <https://tpsbi.ba/>

@tpsbi <https://www.facebook.com/tpsbi> <https://www.linkedin.com/company/tpsbi/>





TRIJATLON I PENTATLON SAVEZ BOSNE I HERCEGOVINE
ТРИАТЛОН И ПЕНТАТЛОН САВЕЗ БОСНЕ И ХЕРЦЕГОВИНЕ
TRIATHLON AND PENTATHLON FEDERATION OF BOSNIA AND HERZEGOVINA

Zahtjev za izdavanje takmičarske licence klubovi podnose TPSBiH do datuma određenog Uputstvom za licenciranje UO-a TPSBiH. Ako se radi o prvom licenciranju takmičara, klub može podnijeti zahtjev za licenciranje do najkasnije 8 dana prije utrke na kojoj takmičar ili takmičarka želi nastupiti.

Član 13.

Uz zahtjev za izdavanje takmičarske licence i popis članova, klub je dužan priložiti potpisanu i pečatom ovjerenu izjavu na službenom obrascu za licenciranje sportaša od osobe za zastupanje kluba da su osobe koje su na popisu za licenciranje obavile liječnički pregled u skladu sa članom 47. i 48. Zakona o sportu u BiH.

Član 14.

Takmičari su dužni na svim utrkama u nadležnosti TPSBiH na zahtjev organizatora, mjerne službe i službenih osoba TPSBiH dati na uvid licencu.

Član 15.

Podizanje startnih brojeva na utrkama u nadležnosti TPSBiH vrši takmičar isključivo uz predočenje važeće takmičarske licence ili startne brojeve može podići službena osoba kluba. Službenom osobom kluba smatra se osoba koja je prije početka pojedinog takmičenja ispred kluba preuzela tu dužnost i od tehničkog delegata takmičenja zadužila službenu klupsku akreditaciju.

Službene klupske akreditacije izrađuje TPSBiH u količini od jednog komada za svaki klub član TPSBiH, a evidenciju službenih osoba na pojedinom natjecanju vodi tehnički delegat. Službena osoba kluba je dužna po završetku takmičenja vratiti akreditaciju tehničkom delegatu.

ODREDBE O PRELASKU TAKMIČARA ILI TAKMIČARKI U DRUGI KLUB

Član 16.

U jednoj takmičarskoj godini (sezoni) takmičar ili takmičarka može nastupiti samo za jedan klub.

Član 17.

Izuzetno, u posebnim uslovima čiju opravdanost procjenjuje UO TPSBiH, takmičar ili takmičarka mogu zatražiti i dobiti ispisnicu iz kluba tijekom takmičarske sezone. Ti takmičari i takmičarke mogu zatražiti da im se omogući pristup takmičenju pod licencom TPSBiH, ali ne uživaju sva prava koja iz rezultata postignutih na takmičenjima i proistječu.

Takmičari i takmičarke licencirane za TPSBiH:

- mogu nastupati na svim utrkama u svojoj kategoriji
- mogu biti proglašavane u ukupnom poretku i poretku po kategorijama





TRIJATLON I PENTATLON SAVEZ BOSNE I HERCEGOVINE
ТРИАТЛОН И ПЕНТАТЛОН САВЕЗ БОСНЕ И ХЕРЦЕГОВИНЕ
TRIATHLON AND PENTATHLON FEDERATION OF BOSNIA AND HERZEGOVINA

- mogu biti članovi ekipa
- mogu nastupati za Reprerentaciju

Član 18.

Prelazak takmičara iz kluba u klub moguć je tijekom prijelaznog roka koji započinje 1. januara i završava 31. januara nove takmičarske sezone, osim ako rok posebnom odlukom UO-a TPSBiH nije drugačije određen.

Zahtjeve za prelaskom iz kluba u klub odnosno redovne zahtjeve za ispisnicama klubovi su dužni zaprimati od 1. decembra posljednje takmičarske sezone do kraja prijelaznog roka.

Član 19.

Za prelazak kategoriziranog sportaša iz kluba u klub obavezna je ispisnica matičnog kluba, a u slučaju spora nadležan je UO TPSBiH.

Član 20.

Regulativa prelaska kategoriziranih sportaša definirana je na slijedeći način:

- Sportaš/ica je od kluba dužan pismenim putem zatražiti ispisnicu, i to na način da je jasno i lako utvrditi datum slanja odnosno zaprimanja iste.
- Zahtjevom za redovnom ispisnicom smatra se onaj predan u razdoblju od 1. decembra tekuće godine do 31. januara ili do kraja prijelaznog roka.
- Zahtjevom za vanrednom ispisnicom smatra se onaj predan u razdoblju nakon kraja prijelaznog roka odnosno tokom takmičarske sezone.
- Na osnovu dobivene redovne ispisnice sportaš/ica se može u nadolazećoj kalendarskoj godini licencirati za novi klub.
- Na osnovu dobivene izvanredne ispisnice sportaš/ica ne može postati članom niti jednog drugog kluba, no može do kraja kalendarske godine nastupati s licencom TPSBiH uz poštivanje pravila i obaveza regulisanih člancima ovog Pravilnika i Uputstvom za licenciranje za tekuću godinu.
- Član TPSBiH, iz kojeg triatlonac odlazi (u daljnjem tekstu: bivši klub) može od kluba u koji triatlonac prelazi tražiti odštetu.

Član 21.

Sportaš ili sportašica kojima je odbijen zahtjev za raskid ugovora ili izdavanje ispisnice ili klub koji smatra da su u postupku prekršene odredbe ovog Pravilnika, podnosi žalbu UO TPSBiH, čija odluka je konačna. Žalba se podnosi u roku od 8 dana nakon primitka odbijenice.

Član 22.

Nadležni organ za rješavanje žalbe dužan je žalbu uzeti u postupak na prvoj slijedećoj sjednici, a najkasnije u roku od 30 (trideset) dana od prijema žalbe.





TRIAKLON I PENTATLON SAVEZ BOSNE I HERCEGOVINE
ТРИАТЛОН И ПЕНТАТЛОН САВЕЗ БОСНЕ И ХЕРЦЕГОВИНЕ
TRIATHLON AND PENTATHLON FEDERATION OF BOSNIA AND HERZEGOVINA

Oštećena strana koja smatra da su u postupku povrijeđene odredbe ovog Pravilnika, može podnijeti i zahtjev za zaštitu zakonitosti Skupštini TPSBiH.

Član 23.

Matični klub je dužan izdati redovnu/vanrednu ispisnicu na zahtjev takmičara u roku ne duljem od 15 dana od dana zaprimanja zahtjeva, osim ako je član kluba prilikom podnošenja zahtjeva pod disciplinskom kaznom ili se protiv njega vodi disciplinski postupak radi prijestupa koji je učinjen prije traženja ispisnice.

Član 24.

Klub je dužan pismeno upozoriti UO TPSBiH o pokretanju disciplinskog postupka i to u roku od 3 dana nakon pokretanja istog u protivnom se taj razlog neće smatrati valjanim za neizdavanje ispisnice.

Član 25.

U slučaju da matični klub ne izda redovnu ispisnicu na zahtjev člana kluba, razlog mora pismeno obrazložiti i dostaviti UO TPSBiH. Ako takvo obrazloženje ne dostavi do 31. januara naredne natjecateljske godine odnosno do kraja prijelaznog roka, smatrat će se da je ispisnica izdana.

U slučaju da matični klub ne izda vanrednu ispisnicu na zahtjev člana kluba, razlog mora pismeno obrazložiti i dostaviti sportašu/ici i UO TPSBiH. Ako takvo obrazloženje ne dostavi do 15 dana nakon zaprimljenog zahtjeva za izdavanjem, smatrat će se da je ispisnica izdana.

U slučaju zaprimanja žalbe od sportaša ili kluba, bit će pokrenut postupak pred za to nadležnim tijelom TPSBiH.

Sportaš/ica i klub su dužni obavijestiti TPSBiH u slučaju promjene uslova i/ili rješavanja spora do kojeg je došlo tijekom roka predviđenog za rješavanje žalbe.

Član 26.

Na osnovu dobivene vanredne ispisnice sportaš/ica gubi licencu bivšeg kluba. Do kraja kalendarske godine ne može postati članom niti nastupati za neki drugi klub-član TPSBiH, no može nastupati s licencom TPSBiH.

Licencu TPSBiH izdaje UO TPSBiH uvidom u valjanu dokumentaciju koju je sportaš/ica dužan dostaviti na adresu TPSBiH u za to određenom roku za tekuću godinu.

Najmanje 8 dana prije takmičenja na kojem želi nastupiti sportaš/ica u TPSBiH mora dostaviti:

1. Važeću ovjerenu i od bivšeg kluba potpisanu ispisnicu
2. Potpisan zahtjev za licenciranjem za TPSBiH
3. Uvjerenje o obavljenom sportskom pregledu
4. Kopiju rodnog lista i (ukoliko posjeduje) kopiju lične karte.

Po primanju potpune dokumentacije TPSBiH će izdati odobrenje za prijavu i nastup na takmičenju, a u najkraćem tehničkim uslovima određenim rokom, izraditi licencu s novim podacima.





TRIJATLON I PENTATLON SAVEZ BOSNE I HERCEGOVINE
ТРИАТЛОН И ПЕНТАТЛОН САВЕЗ БОСНЕ И ХЕРЦЕГОВИНЕ
TRIATHLON AND PENTATHLON FEDERATION OF BOSNIA AND HERZEGOVINA

Licenca izdana od TPSBiH vrijedi do kraja kalendarske godine u kojoj je izdana.
U prijelaznom roku sportaš/ica nije dužan predavati zahtjev za ispisnicom već se smatra da je ona izdana 31.12. tekuće godine.
U idućoj kalendarskoj godini se sportaš/ica može licencirati za klub-član TPSBiH bez ikakvih potraživanja od strane Saveza, ukoliko ista nisu regulisana nekim drugim pravilnikom (Pravilnikom o Reprerentacijama) ili ugovorom.

ZAVRŠNE ODREDBE

Član 27.

Pravilnik stupa na snagu danom donošenja.

Broj: 1-005/22

Sarajevo, 17.12.2022. godine

PREDSJEDNIK SAVEZA

dr. Nehru Mačković



Marka Marulića 2/5, 71000 Sarajevo, Bosnia and Herzegovina

email: tpsbiH@gmail.com web: <https://tpsbiH.ba/>

© [@tpsbiH](https://www.facebook.com/tpsbiH) <https://www.facebook.com/tpsbiH> <https://www.linkedin.com/company/tpsbiH/>

